

«Հաստատված է»
«Հայաստանի բանկերի միություն»
հասարակական կազմակերպության
խորհրդի 23.01.2019թ. որոշմամբ
արձանագրություն 01/2019

Բաղկացած է 6 թերթից

Տպագրված է 3 օրինակ

Հայաստանի բանկերի միության
գործադիր տնօրեն

 Ս.Սարգսյան

«23» հունվարի 2019թ.



«ՀԱՅԱՍՏԱՆԻ ԲԱՆԿՆԵՐԻ ՄԻՈՒՆԻՓՈՆ ՖԻՆԱՆՍԱԿԱՆ
ԱՐԲԻՏՐԱԺ» ՀԻՄՆԱՐԿԻ
ԿԱՆՈՆԱԴՐՈՒԹՅՈՒՆ
(Նոր խմբագրությամբ)

ք.Երևան

1. ԸՆԴՀԱՆՈՒՐ ԴՐՈՒՅԹՆԵՐ

1.1. «Հայաստանի բանկերի միության (այսուհետ՝ ՀԲՄ) ֆինանսական արբիտրաժ» հիմնարկը (այսուհետ նաև՝ ՀԲՄ ֆինանսական արբիտրաժային դատարան), ՀԲՄ կողմից հիմնարկի կարգավիճակով ստեղծված, մշտապես գործող արբիտրաժային դատարան է:

1.2. ՀԲՄ ֆինանսական արբիտրաժային դատարանն իր գործունեությունն իրականացնում է «Առևտրային արբիտրաժի մասին» Հայաստանի Հանրապետության օրենքի, Հայաստանի Հանրապետության քաղաքացիական դատավարության օրենսգրքի, ՀԲՄ ֆինանսական արբիտրաժային դատարանի կանոնակարգի, սույն կանոնադրության և այլ իրավական ակտերի հիման վրա:

1.3. ՀԲՄ ֆինանսական արբիտրաժային դատարանի անվանումն է՝

- հայերեն լրիվ՝ «Հայաստանի բանկերի միության ֆինանսական արբիտրաժ» հիմնարկ,
- հայերեն կրճատ՝ «ՀԲՄ ֆինանսական արբիտրաժային դատարան»,
- ռուսերեն լրիվ՝ Финансовый арбитраж Союза банков Армении
- ռուսերեն կրճատ՝ Финансовый арбитражный суд СБА
- անգլերեն լրիվ՝ Financial Arbitrage of Union of Banks of Armenia
- անգլերեն կրճատ՝ Financial Arbitration Court of UBA

1.4. ՀԲՄ ֆինանսական արբիտրաժային դատարանն ունի իր հայերեն անվանմամբ կլոր կնիք: ՀԲՄ ֆինանսական արբիտրաժային դատարանը կարող է ունենալ իր անվանմամբ ձևաթղթեր, խորհրդանիշ և անհատականացման այլ միջոցներ:

1.5. ՀԲՄ ֆինանսական արբիտրաժային դատարանի գտնվելու վայրն է՝ ք.Երևան, Կորյունի փող. 19 Ա, 6-րդ հարկ:

1.6. ՀԲՄ ֆինանսական արբիտրաժային դատարանը ստեղծված է համարվում ՀԲՄ խորհրդի կողմից սույն կանոնադրության հաստատման պահից և ենթակա է հաշվառման օրենսդրությամբ սահմանված կարգով:

2. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ԻՐԱՎԱՍՈՒԹՅՈՒՆԸ

2.1. ՀԲՄ ֆինանսական արբիտրաժային դատարանի իրավասությանը ենթակա են քաղաքացիական իրավահարաբերություններից առաջացող առևտրային բնույթի վեճերը, որոնց լուծումը կողմերը վերապահել են ՀԲՄ ֆինանսական արբիտրաժային դատարանին՝ այդ մասին կնքելով արբիտրաժային համաձայնություն:

2.2. Կողմերի միջև կնքված արբիտրաժային համաձայնության առկայության դեպքում ՀԲՄ ֆինանսական արբիտրաժային դատարան դիմելու իրավունք ունեն Հայաստանի Հանրապետության քաղաքացիները, ներառյալ՝ անհատ ձեռնարկատերերը, իրավաբանական անձինք, օտարերկրյա քաղաքացիները (քաղաքացիություն չունեցող անձինք) և իրավաբանական անձինք, համայնքները, ինչպես նաև Հայաստանի Հանրապետությունը՝ օրենքով նախատեսված դեպքերում:

3. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԳՈՐԾՈՒՆԵՈՒԹՅԱՆ ՍԿԶԲՈՒՆՔՆԵՐԸ

3.1. ՀԲՄ ֆինանսական արբիտրաժային դատարանի գործունեությունը հիմնվում է օրինականության, կամքի ինքնավարության, կողմերի նկատմամբ հավասար մոտեցման, մրցակցության, կողմերի իրավահավասարության, արբիտրների անկախության և անկողմնակալության, դատական միջամտության սահմանափակման, արբիտրների նշանակովիության, արբիտրաժային քննության գաղտնիության, տնօրինչականության, գործերի քննության անմիջականության և այլ սկզբունքների վրա:

4. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԳՈՒՅՔԸ ԵՎ ԴՐԱ ՏԻՐԱՊԵՏՄԱՆ, ՕԳՏԱԳՈՐԾՄԱՆ ԵՎ ՏՆՕՐԻՆՄԱՆ ԿԱՐԳԸ

4.1. ՀԲՄ ֆինանսական արբիտրաժային դատարանը Հայաստանի Հանրապետության օրենքներով և այլ իրավական ակտերով, Հայաստանի Հանրապետության կողմից կնքված և վավերացված միջազգային պայմանագրերով (համաձայնագրերով), սույն կանոնադրությամբ և այլ իրավական ակտերով սահմանված խնդիրների լուծման և հիմնարկի բնականոն գործունեությունը ապահովելու համար տիրապետում, օգտագործում և տնօրինում է իրեն ամրակցված գույքը՝ ըստ այդ գույքի նշանակության, այդ թվում ֆինանսական միջոցները:

4.2. ՀԲՄ ֆինանսական արբիտրաժային դատարանի ֆինանսական միջոցներն ու գույքը օգտագործվում և տնօրինվում են ՀԲՄ գործադիր մարմնի ղեկավարի կողմից՝ ՀԲՄ խորհրդի կողմից հաստատված ծախսերի նախահաշվի շրջանակներում:

4.3. ՀԲՄ ֆինանսական արբիտրաժային դատարանի գույքը ձևավորվում է ՀԲՄ-ի կողմից վերջինիս կանոնադրությամբ սահմանված կարգով հիմնարկին ամրակցված գույքից և գումարներից, արբիտրաժային վճարներից, հիմնարկին հատկացվող այլ գումարներից, ինչպես նաև օրենսդրությամբ չարգելված այլ եղանակներով ձեռք բերվող միջոցներից:

4.4. Օրենքով և սույն կանոնադրությամբ սահմանված կարգով ՀԲՄ ֆինանսական արբիտրաժային դատարանի գործունեությունից առաջացած դրամական միջոցներն առաջնահերթության կարգով ուղղվում են ՀԲՄ ֆինանսական արբիտրաժային դատարանի անխափան գործունեությունն ապահովելուն:

5. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԿԱՌՈՒՑՎԱԾՔԸ

5.1.1. ՀԲՄ ֆինանսական արբիտրաժային դատարանի կառուցվածքն ու հաստիքացուցակը (ՀԲՄ հաստիքացուցակի հետ համատեղ) հաստատում է ՀԲՄ խորհուրդը:

5.1.2. ՀԲՄ ֆինանսական արբիտրաժային դատարանի բնականոն գործունեությունն ապահովվում է ՀԲՄ ֆինանսական արբիտրաժային դատարանի միջոցով, որի ղեկավարումն իրականացնում է հիմնարկի ղեկավարը:

6. ՀԲՄ ՖԻՆԱՆՍԱԿԱՆ ԱՐՔԻՏՐԱԺԱՅԻՆ ԴԱՏԱՐԱՆԻ ԿԱՌԱՎԱՐՈՒՄԸ

6.1. ՀԲՄ ֆինանսական արքիտրաժային դատարանի ընդհանուր կառավարումը, որպես հիմնադիր, իրականացնում է ՀԲՄ-ն՝ օրենքներով, ՀԲՄ-ի և սույն կանոնադրությամբ սահմանված կարգով:

6.2. ՀԲՄ ֆինանսական արքիտրաժային դատարանի կառավարմանը վերաբերող բոլոր իրավասությունները ՀԲՄ անունից իրականացնում են ՀԲՄ խորհուրդը կամ ՀԲՄ գործադիր մարմնի ղեկավարը՝ համաձայն ՀԲՄ-ի և սույն կանոնադրությունների, ներքին ընթացակարգերի:

6.3. ՀԲՄ խորհրդի իրավասության հարցերն են.

6.3.1. ՀԲՄ ֆինանսական արքիտրաժային դատարանի կանոնադրության, կանոնակարգի, ներքին ընթացակարգերի հաստատումը, դրանցում փոփոխությունների և լրացումների կատարումը, ինչպես նաև դրանց նոր խմբագրությամբ հաստատելը.

6.3.2. ՀԲՄ ֆինանսական արքիտրաժային դատարանի արքիտրների կազմի՝ անվանացուցակի հաստատումը, դրանում փոփոխություններ կատարելը, արքիտրների լիազորությունների վաղաժամկետ դադարեցումը.

6.3.3. ՀԲՄ գործադիր մարմնի ղեկավարի ներկայացմամբ՝ ՀԲՄ ֆինանսական արքիտրաժային դատարանի վարչակազմակերպական կառուցվածքի և հաստիքացուցակի հաստատումը.

6.3.4. ՀԲՄ ֆինանսական արքիտրաժային դատարանի գործունեության դադարեցումը.

6.3.5. ՀԲՄ գործադիր մարմնի ղեկավարի ներկայացմամբ ՀԲՄ ֆինանսական արքիտրաժային դատարանի ծախսերի նախահաշվի, ինչպես նաև դրա կատարողականների հաստատումը:

6.3.6. ՀԲՄ ֆինանսական արքիտրաժային դատարանի գործունեության հետ կապված՝ Հայաստանի Հանրապետության օրենսդրությամբ և սույն կանոնադրությամբ ՀԲՄ խորհրդին վերապահված այլ լիազորությունների իրականացումը:

6.3.7. ՀԲՄ խորհրդի մի շարք իրավասություններ կարող են լիազորվել ՀԲՄ գործադիր մարմնի ղեկավարին:

6.4. ՀԲՄ գործադիր մարմնի ղեկավարի իրավասության հարցերն են.

6.4.1. ՀԲՄ գործադիր մարմնի ղեկավարը ՀԲՄ նախագահին է, եթե վերջինս ընտրվել է ՀԲՄ ընդհանուր ժողովի կողմից և գործադիր տնօրենը, եթե ՀԲՄ նախագահն ընտրվել է ՀԲՄ խորհրդի կողմից.

6.4.2. ՀԲՄ գործադիր մարմնի ղեկավարը որոշում է ՀԲՄ ֆինանսական արքիտրաժային դատարանին ամրակցվող գույքի կազմը և չափը, հաստատում է ՀԲՄ ֆինանսական արքիտրաժային դատարանի ֆինանսական հաշվետվությունները, իրականացնում հիմնարկի ֆինանսական միջոցների կառավարումը, ՀԲՄ խորհրդի հաստատմանն է ներկայացնում հիմնարկի ծախսերի նախահաշիվն ու դրա կատարողականները.

6.4.3. Աշխատանքի է ընդունում և աշխատանքից ազատում է ՀԲՄ ֆինանսական արքիտրաժային դատարանի աշխատողներին:

6.4.4. Կիրառում է խրախուսման և կարգապահական պատասխանատվության միջոցներ՝ ՀԲՄ ֆինանսական արբիտրաժային դատարանի աշխատողների նկատմամբ:

6.4.4¹. ՀԲՄ ֆինանսական արբիտրաժային դատարանի արբիտրների կազմից նշանակում է ՀԲՄ ֆինանսական արբիտրաժային դատարանի էթիկայի հանձնաժողովի անդամներ:

6.4.4². ՀԲՄ ֆինանսական արբիտրաժային դատարանի արբիտրի կողմից ՀԲՄ ֆինանսական արբիտրաժային դատարանի կանոնակարգով սահմանված գործի քննության ժամկետը խախտելու և արբիտրաժային գործերի կուտակումներ թույլ տալու դեպքում ՀԲՄ ֆինանսական արբիտրաժային դատարանի ղեկավարի գրության հիման վրա հանձնարարում է ժամանակավորապես դադարեցնել տվյալ արբիտրի պատահականության սկզբունքով հատուկ համակարգչային ծրագրի միջոցով արբիտր նշանակվելը:

6.4.4³. ՀԲՄ ֆինանսական արբիտրաժային դատարանի արբիտրի կողմից վարքագծի կանոնների խախտում թույլ տալու կամ ՀԲՄ ֆինանսական արբիտրաժային դատարանի կանոնակարգով սահմանված գործի քննության ժամկետը պարբերաբար խախտելու դեպքերում դիմում է ՀԲՄ խորհուրդ՝ տվյալ արբիտրի լիազորությունները վաղաժամկետ դադարեցնելու համար

6.4.5. Հայաստանի Հանրապետության օրենսդրությամբ, սույն կանոնադրությամբ և ներքին ընթացակարգերով ՀԲՄ գործադիր մարմնի ղեկավարին վերապահված և/կամ ՀԲՄ խորհրդի կողմից պատվիրակված այլ լիազորությունների իրականացումը:

7. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ՂԵԿԱՎԱՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

7.1. ՀԲՄ ֆինանսական արբիտրաժային դատարանի ղեկավարը հանդիսանում է արբիտր, այդ մասին ՀԲՄ խորհրդի կողմից որոշում կայացնելու դեպքում: ՀԲՄ ֆինանսական արբիտրաժային դատարանի ղեկավարը՝

7.1.1. Ղեկավարում և կառավարում է ՀԲՄ ֆինանսական արբիտրաժային դատարանի ընթացիկ գործունեությունը, բացառությամբ այն հարցերի, որոնք օրենքով և սույն կանոնադրությամբ վերապահված են ՀԲՄ-ի իրավասությանը.

7.1.2. Կատարում է աշխատանքի բաժանում հիմնարկի աշխատողների միջև.

7.1.3. Մասնակցում է արբիտրաժային գործունեությանն առնչվող օրենսդրական փոփոխությունների նախագծերի քննարկումներին.

7.1.4. Վերահսկողություն է իրականացնում արբիտրների կողմից ՀԲՄ ֆինանսական արբիտրաժային դատարանի կանոնակարգով սահմանված ժամկետների պահպանման նկատմամբ.

7.1.5. Կազմակերպում է արբիտրաժային դատավարության պրակտիկայի ուսումնասիրումը և ամփոփումը, ՀԲՄ ֆինանսական արբիտրաժային դատարանում քննված գործերի վիճակագրության վարումը.

7.1.6. Իրականացնում է սույն կանոնադրությունից, ՀԲՄ ֆինանսական արբիտրաժային դատարանի կանոնակարգից և ներքին ընթացակարգերից բխող այլ լիազորություններ:

7.2. ՀԲՄ ֆինանսական արբիտրաժային դատարանի ղեկավարն օրենքով սահմանված կարգով գույքային պատասխանատվություն է կրում իր հակաօրինական գործունեության արդյունքում ՀԲՄ-ին և ՀԲՄ ֆինանսական արբիտրաժային դատարանին պատճառված գույքային վնասի համար: ՀԲՄ ֆինանսական արբիտրաժային դատարանի ղեկավարի լիազորությունների դադարեցումը չի կարող հիմք հանդիսանալ պատճառված նյութական վնասները հատուցելու պարտավորությունները չկատարելու համար:

8. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ԱՐԲԻՏՐՆԵՐԸ

8.1. ՀԲՄ ֆինանսական արբիտրաժային դատարանի արբիտրներ կարող են լինել բարձրագույն իրավաբանական կրթություն (մագիստրոսի կոչում), ֆինանսաբանկային համակարգի առնվազն երեք տարվա ընդհանուր աշխատանքային կամ իրավաբանական խորհրդատվության փորձ կամ դատաիրավական գործունեության փաստացի փորձ ունեցող անձինք:

8.2. ՀԲՄ ֆինանսական արբիտրաժային դատարանի արբիտրը չի կարող միաժամանակ հանդիսանալ այլ արբիտրաժային դատարանի արբիտր:

8.3. ՀԲՄ խորհուրդը կարող է սահմանել ՀԲՄ ֆինանսական արբիտրաժային դատարանի արբիտրների ընտրության այլ չափանիշներ և ընթացակարգեր:

9. ՀԲՄ ՖԻՆԱՆՍԱԿԱՆ ԱՐԲԻՏՐԱԺԱՅԻՆ ԴԱՏԱՐԱՆԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

9.1. ՀԲՄ ֆինանսական արբիտրաժային դատարանի գործունեությունը դադարում է օրենսդրությամբ և սույն կանոնադրությամբ սահմանված կարգով:

9.2. ՀԲՄ ֆինանսական արբիտրաժային դատարանի գործունեությունը համարվում է դադարած՝ այդ մասին ՀԲՄ խորհրդի որոշումն ուժի մեջ մտնելու պահից: